

四庫全書

史部

欽定四庫全書

史部

寶刻叢編卷三  
四

詳校官編修臣潘庭筠

編修臣程嘉謀覆勘

總校官編修臣王燕緒

校對官編修臣吳錫麒

謄錄監生臣余世琦

欽定四庫全書

寶刻叢編卷三

宋 陳思 撰

京西南路

襄州

春秋以來楚境秦南郡之北界二漢屬南陽南郡魏置襄陽郡晉因之兼置荊州東晉置雍州宋文帝割荊州置雍州後梁蕭詧都此西魏改曰襄州隋開皇初郡廢大業初州廢復置襄陽郡唐武德四年曰襄州天寶元年曰襄陽郡後為山南東道節度今縣六襄

陽 鄧城 穀城 宜  
城 中廬 南障

漢南陽太守秦君碑 互見鄧州

在宜城 闕

在今 闕

之故 闕

都也按漢紀中平三年二

月江夏兵趙慈反殺南陽太守秦頡酈道元注水經云秦頡郡人以江夏都尉出為南陽太守卒於南陽還葬宜城余昔從事總幕奉饗荆楚道出古郡於荒烟落日弔所謂秦君冢者有碑巋然剝蝕殆盡徘徊

其下親視臨搨僅得數十百字而止其額十大字曰  
漢故南陽太守秦君之碑其名字除拜俱不可攷天  
下碑錄載秦君之碑有二一在宣城一在南陽惟碑  
首存歐趙二錄止得碑首俱南陽本也余歷走邊郵  
四懷南陽之機探古索隱無所不到訪南陽之石無

有矣惜哉

集古  
後錄

漢荊州從事苑君碑

漢故荊州從事苑君之碑篆額碑云君諱鎮字仲弓

南陽人也碑殘缺不見立石年月

復齋碑錄

漢築陽侯相景豹碑

在穀城西一里文字磨滅

訪碑錄

漢侍中王逸碑

在宜城南三里

訪碑錄

漢山陽太守碑

在穀城縣北二十里

訪碑錄

漢司徒掾梁君碑

在穀城西四里建安二十七年立文字磨滅

訪碑錄

司徒掾梁君碑篆額惟存錄碑二字碑錄云襄州穀城有司徒掾梁君碑建安二十七年立此黃初前一

年也豈吳人尚用漢歷乎否則誤字也梁君名休字

元堅為郡五官掾歷郎中光祿主

缺一字

辟司徒府掾

拜新都令有葬年月而缺其所終太守趙君相與謚

之曰貞文子銘詩以三言為文

隸續

漢郭先生碑

不見書撰人名氏碑在襄州穀城縣界中其辭云先生諱輔字輔成又云年五十有二遇疾而終其文字

古質蓋漢碑也其用鄉鄙字與漢婁壽碑同

集古錄

隸書不著書撰人名氏書字甚古蓋漢碑也先生名

輔字甫成荊州人碑在穀城縣

集古錄

集古錄以為漢碑按後魏酈道元水經具載此碑云碑無年號不知何代人然則歐陽公何所據遂以為漢人乎余以字畫驗之疑魏晉時人所為既無歲月

可考姑附于漢碑之末

金石錄

郭先生之碑隸額郭君名輔無歲月時代歐陽公以為漢碑趙以為魏晉字畫今碑有兩昭字晉人所諱

疑此是魏刻

隸釋

魏襄陽太守劉府君碑

魏故襄陽太守虎威將軍平都亭侯劉府君碑其字

甚偉高貴鄉公正元三年四月二十日辛丑建

復齋碑錄

魏劉熹學生冢碑并陰

在今穀城縣界中余為乾德令時嘗以公事過穀城見數荒冢在草間傍有古碑傾側半埋土中間其村人為何人家皆不能道而碑文磨滅不暇讀而去後數年在河北始集錄古文思向所見穀城碑疑為漢碑求之又數年乃獲按襄州圖經云學生冢在縣東北水經云魏濟南劉熹字德怡博學好古立碑載生徒百餘人其不終業而卒者葬于此號學生冢今碑雖殘缺而熹與生徒名字往往尚可見蓋余昔所見

乃學生冢而碑魏時碑也熹穀城令也

集古錄

隸書文字磨滅不完其間有稱大魏者又曰濟南劉熹字德怡而最後有學生名百餘人并列其所授諸經襄州圖經曰熹常為穀城令學者多往從之其受業未終而沒者悉葬之謂之學生冢此碑是也在穀

城縣學生冢傍

集古錄目

魏學生塚碑在今襄州之穀城按鮑至南雍州記穀城穀伯綏之國其東北有學生冢冢有碑據酈道元

水經注乃濟南劉熹字德怡魏時宰縣雅好博古教學立碑載生徒不終業而卒者乾道初元春三月余督饒穀城撫得此墨本凡授尚書者二人授禮記者七人授孝經儀禮者各一人授左傳者六人授易者四人授詩者十七人各書州里姓氏字之而不名祭酒一人故吏二人生三十有八人童八人書姓字書名而不書里邑孔子作春秋視賢否為褒貶或以名或以字或書爵邑或不書豈亦春秋之法乎

集古後錄

晉杜預碑

在襄陽縣東九里峴山下

訪碑錄

梁檀溪寺禪房碑

梁信威主簿劉之迺序記室參軍鮑炯銘前輔國郡都曹參軍許璠書檀溪寺者東晉人張殷以宅所立咸安中沙門道安重建宋元嘉二十五年有西域浮屠又建禪房于池水之東其地逼隘梁天監四年勅別給池西之地移而立之碑于天監十一年四月立

集古  
錄目

梁三絕碑

劉孝儀文蕭子雲書普通三年立

諸道石刻錄

梁重立羊祜墮淚碑

梁大同中以舊碑殘缺再書而刻之碑陰具載其事今

附于次

金石錄

晉故使持節侍中太傅鉅平城侯羊公之碑篆額正

書無姓名字畫亦類劉靈書年月同下碑

復齋碑錄

羊公墮淚碑不著書撰人名氏襄陽耆舊傳為李與  
初撰也梁大同十年雍州刺史以故碑闕落命別駕  
從事史劉伯推模立此本故碑一丈一尺開元間故  
碑尚無蓋李翰林有龜頭剝落生莓苔之句今不存

矣

集古  
後錄

梁改墮淚碑

劉之遴撰劉靈正書大同十年九月

金石  
錄

梁平等剝下碑

梁興業寺碑

庾元威撰

二碑諸道  
石刻錄

周刺史豆盧公德政碑

在襄陽縣東三里

訪碑  
錄

周襄州司馬陳府君德政碑

在襄陽縣西五里

訪碑  
錄

後周故儀同陳毅誌

保定五年癸未十二月辛卯朔十九日巳酉立

復齋  
碑錄

後周常樂寺浮圖碑

周保定四年立記室曹胡達撰其辭云襄州刺史王  
秉字孝直建常樂寺塔七層其碑文作在開元寺塔  
院其文字書畫無過人者特以後周時碑文少見于

世故存之

南豐集  
古錄

大周鉅魏君之神道字

在鄧城縣南十二里張相公墓前

訪碑  
錄

隋興國寺碑并陰

隋內史李德林撰襄州祭酒從事丁道護書隋文帝  
父忠當魏周之際常將兵南定襄漢及文帝即位建  
此寺以祈福碑以開皇六年正月立

集古  
錄目

歐公常得啟法寺碑列於集古錄中而于大學官楊  
褒處見興國寺碑以不得入錄為恨今碑陰又有襄  
州鎮副總管柳止戈以下十八人姓名字畫尤完好  
歐陽公所未見也蔡君謨題其後云在杭州日坐客  
有曰小說稱丁貞永草永固知名丁何人也予謂道

護豈其人耶按法書要錄丁峴與智永同時人善隸

書世稱丁貞永草非道護也

金石錄

興國寺在望楚山今為延慶寺

南豐集古錄

大興國寺銘李德林撰丁道護書隋開皇間以襄州

鳳林山鳳林寺為大興國寺至唐會昌五年武宗用

道士趙歸貞說大毀佛寺復僧尼為民而寺廢懿宗

朝州刺史蔣係請復寺為延慶寺從之建炎初寺為

灰燼此碑獨巋然露立在今府城東南十里歐陽公

頃嘗見墨本于學官楊君家欲求其本不知碑所在  
曾南豐謂延慶寺在望楚山非也城西南三里有山  
聳然曰尖山者其上可以見鄆城宋元嘉中武靈王  
駿更名望楚余登望楚屢矣烏覩所為延慶者哉

集古

後錄

興國寺碑陰有柳止戈而下十八官姓名亦丁道護  
書蔡君謨題其後云杭州日坐有客曰小說稱丁貞  
永草永固知名丁何人也道護豈其人耶趙德夫按

法書要錄曰非道護丁覘與智永同時世稱丁貞永  
章德夫之言是矣余謂丁覘在時未必得此聲西臺  
既陷簡書湮散丁尋卒於維揚妙跡日為難得已而  
智永師盛以草書名江東然後人以永草配丁真也  
丁覘洪亭人梁孝元在荊州凡書記俱其筆當時尚  
為之語曰丁君十紙不敵王褒一字獨顏之推愛重  
而寶待之蕭子雲問典籤惠編曰君王賜書殊為佳  
乎姓名為誰編以覘對子雲嘆曰不為世所稱亦竒

事事見顏氏家訓恐忘之聊附于此

集古後錄

前陳伏波將軍陳詡墓誌

周

碑缺

撰開皇二十年十二月十八日癸

復齋碑錄

隋啟法寺碑

隋儀同三司周彪撰襄州從事丁道護書隋開皇初

詔後周所毀佛寺皆復建之州人共造此寺刺史韋

世康名之曰光福禪房後又改為啟法寺以仁壽二

年十二月立并邑人趙勵等題名

集古錄目

此書兼後魏遺法與楊家本微異隋唐之交善書者  
衆皆出一法道護所得最多楊本開皇六年去此十

七年書當益老亦稍縱也

蔡君  
謨

蔡君謨博學君子也於書尤稱精鑒余所藏書未有  
不更其品目者其謂道護所書如此有大學官楊褒  
者喜收書家藏道護所書興國寺碑是梁貞明中人  
所藏君謨所謂楊家本者是也

集古  
錄

啟法寺碑開皇中立啟法寺今為龍興寺在襄陽城

西

南豐集  
古錄

啟法寺碑仁壽二年建曾南豐以為開皇中立誤也  
道護之書見于世者獨興國寺碑與此碑爾二碑俱  
在襄州前年春訪碑于寺止得興國寺碑而啟法寺  
之碑無有此可珍也

集古  
後錄

隋儒學碑

大業二年立

諸道石  
刻錄

唐襄州刺史鄒襄公張公瑾碑

釋法琳撰蘇敬稚正書貞觀七年七月立襄陽圖經

云碑今亡

復齋  
碑錄

唐法門寺記

無換人名氏沈季範正書貞觀十一年二月十五日

立

復齋  
碑錄

隋處士羅靖誌

處士以仁壽四年五月二十三日終夫人張氏於唐

龍朔二十年終合葬於習池

復齋  
碑錄

欽定四庫全書

襄陽有隋處士羅君墓誌曰君諱靖字禮襄陽廣昌人高祖長卿齊饒州刺史曾祖弘智梁殿中將軍祖養父靖學優不任有名當代碑字畫勁楷類褚河南然父子皆名靖為不可曉拓拔魏安同父名屈同之曾祖亦名屈祖孫同名常人無足言者但羅君不應

爾也

容齊  
隨筆

隋處士羅君碑字畫可喜而不載書人名氏初余至襄州刺史館余於州治之東地有木龕塵網如積掃

滌而視之此碑也遂撫得之去年春余復有荆襄之行訪此碑則曰卒吏輩竇持不虔碎而棄之矣可謂不幸也昔林邑王楊邁死子咄立慕其父德改名楊邁昭穆兩世而一名余每笑嘆謂天下事何所不有今羅君之父名靖而羅君亦名靖殊不可曉羅君以仁壽四年卒夫人以龍朔二年葬自隋仁壽四年訖唐龍朔二年則夫人之守志蓋五十有九年以壽終

亦可尚矣

集古  
後錄

華嚴寺西德義社浮圖銘

儀鳳二年四月初八日立在鳳林山

復齋  
碑錄

唐啟法寺金銅無量壽像碑

唐張昌齡撰吳知禮分書永淳元年四月初八日建

復齋  
碑錄

唐孔子廟堂碑

唐于敬之撰正書無姓名垂拱元年立其前題魯大  
司寇贈太師宣尼父孔丘廟堂碑銘春秋之法或書

字或書名皆所以寓褒貶意今敬之為孔子廟碑而

斥其名何哉

金石錄

唐襄州刺史封公碑

撰人姓名殘缺宋之憇正書垂拱元年十月立字

書頗佳之憇之問弟也

金石錄

大周靜貞觀碑

何彥光撰正書無姓名登封元年二月立

金石錄

唐尹仁恕妻章夫人墓誌

正書無書撰人名氏題云三代孝子尹府君妻韋夫人墓誌開元二年十一月立

復齋碑錄

唐遍學寺碑

唐黃門侍郎韋承慶撰太子詹事越國公鍾紹京書將仕郎阮弘靖建禪院于遍學寺以開元二年立此

碑

集古錄目

承慶有詞學張易之敗時承慶以付記方待罪衆推令草赦書承慶援筆而成衆壯之紹京景龍中以苑

總監從討韋氏有功性嗜書家藏王羲之獻之褚遂良書至數十百卷以善書直鳳閣武后時榜諸宮殿明堂及銘九鼎皆紹京書也其字畫妍媚遵勁有法誠少與為比然今所見特此碑尚完尤為可愛也遍

學寺於宇文周為常樂寺於今為開元寺

南豐集  
古錄

唐韋承慶撰鍾紹京書按書苑紹京者鍾繇十五世孫按姓纂繇弟演演孫雅雅五代孫韜韜孫寵寵曾孫法威生紹京乃鍾演十五世孫繇十五世之姪孫

耳武后時題諸宮殿明堂及洛九鼎俱紹京筆當時  
呼為小鍾景龍間以誅韋氏拜中書令朝廷稱其功  
勲忠鯁筆翰為三絕明皇在藩邸愛重其書及即天  
子位復拜戶部尚書太子詹事此碑開元二年立

後錄

唐楚觀德政碑

唐賈昇撰僧湛然分書開元八年立在硯山

復齋碑錄

唐御製孔子廟堂贊

開元十一年八月四日

諸道石刻錄

唐刺史靳恒遺愛頌并陰

唐張九齡撰高慈正書開元十一年立碑陰述羣宮

陪斬使君登峴山紀文

復齋碑錄

唐韓公井記

不著書人名氏八分大書三字曰韓公井其記真書  
舊傳井有靈人不敢汲唐採訪使韓公酌而飲之由  
是汲者無患故以為名韓公名朝宗碑以開元中立

在宜城

集古  
錄目

開元二十二年初置十道採訪使朝宗以襄州刺史兼山南東道採訪使襄州南楚故城有昭王井傳言汲者死行人雖渴困不敢視朝宗移書諭神自是飲者無恙人更號韓公井楚故城今謂之故牆由梁太祖父烈祖名盛當時避之故至今猶然此記今移在

羣解中

南豐集  
古錄

唐庠狄履溫遺愛頌

唐周擇從撰蕭誠書天寶三載正月

金石錄

襄陽令河南庠狄君遺愛頌天寶中周擇從撰蕭誠書石已中斷僅存具半云名履溫時之後按北史庠狄時傳其先遼東人段四碑之苗裔以避難變姓庠

狄

集古後錄

唐尹仁恕文并旌表記

不著書撰人名氏闕文凡十二字曰大唐孝子四葉旌表尹仁恕闕其後有記仁恕曾祖養伯字嗣宗祖

悻字忠父慕先字冬筠仁恕字南金皆以孝行被旌表

唐尹氏孝德記

唐吏部尚書同中書門下三品張柬之撰不著書人名悻字守忠襄陽人事親居喪皆以孝稱貞觀龍朔

中再有詔褒美旌表門閭碑以天寶五年立

集古錄目

襄陽尹氏世以孝聞天下嗣宗生悻悻生慕先慕先生仁恕一門四闕而此記又張柬之作忠臣孝子萃

此一碑可尊也

集古  
後錄

唐放生池碑

唐襄陽太守山南東道採訪使李愷撰為八分不著  
名氏愷以城下漢水為放生池立此銘不著年月

集古

目錄

唐放生池石柱銘

不著書撰人名氏天寶十載李愷為襄陽太守父老  
李君秀等請以襄陽臨溪兩縣江水近城者為放生

池止人漁釣立石柱於東西境上以表之因以君秀

等狀州符刻於柱上

集古  
錄目

放生池唐世處處有之王者仁澤及於草木昆蟲使  
一物必遂其生而不為私惠也易大傳曰庖犧氏之  
王也能通神明之德以類萬物之情作結繩而為網  
罟以佃以漁蓋言其始教民取物資生而為萬世之  
利此所以為聖人也浮圖氏之說乃謂殺者有罪而  
放生得福苟其言則庖犧氏遂為人間之聖人地下

之罪人也

集古  
錄目

唐襄陽牧衛玠遺愛頌

唐李邕撰蕭誠書天寶中立

訪碑  
錄

唐襄陽牧獨孤冊遺愛頌

唐李邕撰蕭誠行書天寶中立

金石  
錄

唐江夏太守李邕撰蘭陵蕭誠書府君名冊字伯謀  
河南人嘗為襄州刺史此碑襄人所立也石為四面

其兩面剝缺不可讀不知所立年月

集古  
錄目

蕭誠書世多有而此尤佳碑在峴山亭下碑為四面  
而一面最完今人家所傳止有一面而余所得有二  
面故其一面頗有訛闕也府君諱冊字伯謀河南人

也

集古錄

唐襄陽令盧僎德政碑

唐太子正字閻寬撰伊闕縣尉集賢院待制史惟則  
八分書僎字手成范陽人為襄州長史此蓋去思碑  
也碑字多殘缺不見所立年月

集古錄目

唐襄陽令盧君政碑天寶中立

金石錄

唐王粲石井欄記

魏侍中王粲故宅在襄陽其石欄至唐猶存上元二年山南節度使來瑱移之於刺史官舍叅謀甄濟撰記判官彭朝儀書上元二年七月立

集古錄目

甄濟者韓愈所謂陽瘖避職卒不污祿山父子事者也其文得之為可喜而朝儀書尤善皆可喜者也

南豐

集古

錄

唐廣習池記

唐盧允中撰大厯二年立

訪碑錄

唐襄州新學記

唐盧羣撰羅讓書貞元五年六月建碑陰題山南東

道節度嗣曹王臯等十三人名銜

復齋碑錄

唐漢陽王張柬之碑

唐李邕撰瞿令問八分書貞元十二年十一月立

金石

錄

唐王粲石井欄又記

唐上元二年來瑱移之州治立石作記貞元十七年于頓為節度又為之記掌書記胡証八分後又題記

頓進封燕公隨軍屈賁貞元十七年六月立

集古錄目

唐修劉景升廟記

唐盧羣撰正書無姓名無立石年月

訪碑錄

唐孟浩然碑

唐樊澤撰正書無姓名無立石年月

金石錄

唐處士孟君墓碑按唐史浩然襄陽人卒於開元之末樊澤為節度使乃刻碑鳳林山南封寵其墓余嘗親拜墓下碑剗兩面其一面極磨滅首行有江南風景四字墨工為之江南風景碑多不模倣余反復研味乃同一碑爾遂語諸人其後得全碑者自余始此碑樊澤撰不載書人姓名襄陽耆舊傳謂亦樊澤書其間可與言詩及詩語樂和詩字俱從旨從寺此字於他書無所見獨見於此聊記之

集古  
後錄

唐樊成公遺愛頌

唐中書舍人平章事李絳撰太子少保鄭餘慶書襄  
州刺史山南東道節度使袁滋篆額滋以憲宗時鎮  
山南言改故貞元中節度使樊澤在州有善政請立  
遺愛碑絳奉勅撰澤字安時南陽人後於荆南節度  
諡曰成碑以元和八年十二月立

集古  
錄目

碑云相國賈公時鎮漢南以公為行軍司馬明年召  
賈公公代其鎮賈公者賈耽也初耽以德宗在深使

澤奏事俄有急詔以澤代旣大將張獻甫曰天子播  
越行軍以公命問行在乃反利公土地可謂事人不  
忠矣軍中不平請為公殺之旣曰是何謂也朝廷有  
命即為師矣碑稱銘書始下而人情悅毀譽之不可  
以為信如此

集古  
後錄

唐絳州長史李君夫人京兆杜氏墓誌

從弟宣猷撰大和五年葬于襄陽明年厝于習池後  
記李公諱齊用大和九年卒祔于夫人塋孫亞夫記

復齋  
碑錄

唐文宣王廟記

唐裴度撰崔倬書盧宏宣篆額大和六年四月

金石錄

唐王粲石井欄別記

唐會昌二年節度使盧鈞復理粲舊井別作新石欄

而記之前武功縣尉李掖書

集石錄目

唐創修五道將軍記

唐朱泳撰無書人名氏會昌三年七月

復齋碑錄

唐修興國寺舍利塔銘

唐魏子仲述會昌四年二月建

復齋  
碑錄

唐漢江神廟記

唐孟珙記正書無姓名會昌六年八月立

復齋  
碑錄

唐三聖蘭若鏡燈記

唐楊知遠撰屈師穆八分書并右文篆額大中五年

七月建

復齋  
碑錄

唐立蜀相武卿忠武侯諸葛公碑

唐李景讓撰正書無名氏篆額大中十年三月建

復齋

碑錄

唐延慶院記并碑陰勅牒

唐蔣係撰魏修正書咸通三年八月立碑陰勅牒二

咸通二年趙韜正書

復齋碑錄

唐尊勝經

咸通七年五月

諸道石刻錄

唐徐商德政碑

唐李陽撰李曉隸書并篆額咸通六年十二月建

復齋

碑錄

唐延慶院經藏銘

唐趙璘撰裴光遠八分書并篆額咸通九年六月建

復齋碑錄

唐義亭記

唐劉盧白撰裴光遠正書篆額咸通九年六月立

復齋

碑錄

唐聞喜亭記

唐趙璘撰咸通十一年四月五日作亭

復齋  
碑錄

唐新泚池臺六詠

唐裴坦撰正書無名氏咸通十一年立刻於聞喜亭

記碑陰

復齋  
碑錄

唐雲麾將軍宋戎墓誌

從孫程撰劉虔古書并篆額咸通十一年八月

復齋  
碑錄

唐社稷壇記

唐容管經畧推官皮日休撰國子監缺學博士裴光遠八分山南東道節度使裴坦新修州之社稷壇以

咸通十二年刻此

記集古錄目

唐山南東道左押衙韓攻誌

正書無書撰人名氏乾符己亥九月

復齋碑錄

唐新立鎮南將軍劉表廟碑

唐陵州刺史劉推撰并書劉表字景升山陽高平人後漢末為荊州牧僖宗時山南東道節度使劉巨容

自稱喬孫碑以廣明二年立

集古錄目

### 唐劉表碑陰

碑陰劉巨容題記與廟碑同巨容既立廟因以墓側  
構水亭為遊宴之所沃記表僚屬蒯越韓高等及蜀  
先主在荊州事迹未有表所作山道口亭銘刻在廟

### 碑之陰

集古錄目

### 唐改封武威王新廟記

唐徐礪撰正書無名氏篆額光化二年六月立在襄

陽縣

諸道古  
刻錄

唐淮安王趙公祠堂記

無建碑之歲月又不載其名氏莫詳為誰余疑趙德  
諱即其人也按唐書德諱傳初從秦宗權為右將以  
討黃巢功授申州刺史而碑云大寇作二京陷公始  
為義陽郡即中州也又按光啟元年秦宗權陷襄州  
以德諱為山南東道節度留後文德元年德諱以襄  
州降以德諱為忠義軍節度使宗權平和中書令封

淮安郡王逸拜次序與此碑所書俱合碑又云今令  
公功業不虧於舊日榮更顯於昔日今令公者其子  
中書令正凝正凝以天祐元年封楚王此碑蓋立於  
龍紀之後天祐之前故正稱為令公也

集古錄

後梁重建鼓角樓記

鄭勞謙撰正書無名氏開元二年十二月

復齋碑錄

梁修峴山亭記

無書撰人名字篆額貞明二年十一月

諸道石刻錄

晉卧龍山武靈王學業堂記

李光圖撰正書無名字篆額天福三年七月記

復齋碑錄

通州石固尉鄧茂誌

毛元素撰無立石年月

復齋碑錄

梁將軍碑

在穀城縣北二十里

訪碑錄

節度使梁崇義碑

在襄陽縣東二里

訪碑錄

大將軍席肅公之神道

陳仁稜書彌陀經

延慶院重修法堂記

韓思復碑

道德經幢

五碑諸道石刻錄

鄧州

春秋時申鄧二國之地戰國屬韓自後屬楚  
秦置南陽郡二漢因之晉屬南陽國又順陽

義陽二國之境宋齊為南陽郡後魏兼置荊  
州西魏置重南陽郡唐武德二年曰鄧州天  
寶元年曰南陽郡梁陞為宣化節度後唐改  
曰威勝周改曰武勝今縣五 掖縣 南陽

內鄉 浙州  
順陽

漢張平子前後殘三碑

漢崔子玉撰并書其刻石為二本一在南陽一在向

城天聖中有右班殿直趙球者知南陽縣事因治縣

廨毀馬臺得一石有文驗之乃斯銘也遂龕於廳事

之壁其文至凡百君子而止其後半亡矣其在向城

者今尚書屯田員外郎謝景初得其半於向城之野  
自凡百君子已上其前半亡矣今以二本相補續其  
文遂復完而闕其最後四字然則昔人為二本者不  
為無意矣唐寶歷中有徐方回者別得二十一字去  
是銘最後文疑球所得南陽石之半亡者爾今不復

見則又亡矣惜哉

錄 非古

小篆世傳崔子玉撰并書衡字平子南陽西鄂人仕  
漢至河間相碑有二一在今鄧州南陽縣自凡百君

子以上亡其半一在縣之向城村自凡百君子以上  
亡之今以二本相續而文遂完文章篆畫撫向城之  
本而勒之南陽更為橫卷用便卷舒耳非如杜元凱

兩碑之謂也

集古  
後錄

漢司空宗俱碑

碑云公諱俱字伯儷南陽安衆人也而其額題漢司  
空宗公之碑碑已殘缺不成文理而官秩名字鄉里  
特完可考故詳錄之

金石  
錄

漢司空宗公碑篆額碑之文皆已殘缺惟名字郡邑  
父祖獨存而官秩尚可見宗公名俱以察孝廉為城  
門侯歷郎中議郎五官中郎將越騎校尉汝南太守  
少府太僕太常遂拜司空范史缺紀建寧三年七月  
太宗常俱為司空熹平缺

漢司空宗俱碑陰

宗俱碑陰額上六大篆曰門生立碑人名正碑甚刻  
減碑背所損却不多上下凡四橫書其人郡邑名字

畧無推稱當是門生未筮仕者故吏不應無碑不傳

於後世爾

續隸

漢宗資墓天祿辟邪字

在宗資墓前石獸膊上按後漢書宗資南陽安衆人也今墓在鄧州南陽界中墓前有二石獸刻其膊上

一曰天祿一曰辟邪

集古錄

篆書四字後漢宗資墓前有二石獸刻其膊上各三字在鄧州南陽縣界中

漢園令趙君碑

其額題漢故園令趙君之碑而最後題初平元年十月二十八日立碑已訛缺名字皆不可考

金石錄

漢故園令趙君之碑隸額名字俱缺趙君所歷二邑其一惟存新字而減其下文其卒以靈帝中平五年

又二年獻帝初平元年立此碑

隸釋

漢南陽太守秦君碑

題云漢故南陽太守秦君之碑秦君不知為何人亦

不著書人名氏其碑皆漫滅不可讀獨此篆完曰漢

故南陽太守秦君之碑在南陽縣

集古錄目

文字已磨滅惟其額十大字尚完好故名字歲月皆

莫可考按後漢書靈帝紀中平三年二月江夏兵趙

慈反殺南陽太守秦頡或云此即頡碑也然酈道元

水經注載頡墓與碑皆在宜城此碑乃在南陽或是

郡人所立德政頡爾

金石錄

歐趙皆云文已磨滅惟存其額十大篆字所得者猶

有九十餘字其後有孝廉十二人上計掾吏五人題  
名水經云宜城有南陽太守秦頡墓墓前有二碑頡  
郡人也以江夏都尉為南陽守道過宜城見一家東  
向頡駐車視之曰此可作冢後頡卒於南陽喪還至  
此車不肯進故吏因市此宅葬之則知此為秦頡碑  
也其間有光和三年字蓋是述其前事天下碑錄云  
碑在宜城熹平年立非也

隸釋

漢蜀郡屬國都尉王君神道

在南陽題云漢故蜀郡屬國都尉王君神道封陌按  
鄴道元注水經清水南道側有二石樓制作精妙題  
云蜀郡太守姓王字子雅南陽西鄂人

缺

出缺

向城令張璿之撰孝女雙石樓記所書與水經注合  
惟水經誤以都尉為太守耳璿之記唐天寶七年建

金石

錄

魏橫海將軍呂君碑

魏故橫海將軍章陵太守都鄉侯呂君之碑篆額呂君名字皆利剝以黃初二年卒魏隸之佳者惟鍾梁之碑四君范式碑則又次之此刻差勝賈逵劉熹爾

釋隸

碑云君諱朗字義先博望人也其先四岳出自炎帝年六十有一黃初二年正月薨夏侯湛撰郡吏楊向勒銘碑在南陽縣

晉張平子碑陰頌

晉南陽相夏侯湛撰隸書不著名氏湛因行縣至西

鄂過衡墓刻此頌於碑陰

集占  
錄目

西魏持節征東將軍景宣頌

大統十年七月初二日甲申建

復齋  
碑錄

西魏征東將軍景宣碑石已破剝失其姓字其額云

大魏持節征征下缺碑云名景宣宣下又缺又云

拜征持節征東將軍南陽太下又缺當是持節征

東將軍南陽太守故南陽立此碑也其 缺

甲大同十年即西魏大統十年也此為大統無疑余

故標其目曰西魏征東將軍景宣碑

集古  
錄目

東魏崇先寺記

碑無歲月不知何時所立建此寺者隴西君君上滅  
一字具官為持節假撫軍將軍鎮遠將軍諫議大夫  
新野鎮將帶新野太守當郡漢廣兩郡大都督今以  
盧辨所作九命考之撫軍將軍大都督八命鎮遠將  
軍諫議大夫正六命又考新野郡在漢為縣晉大康

中為侯國至惠帝始分南陽立新野郡齊永泰元年  
魏孝文攻圍新野太守劉忌死之地入於魏惟漢廣  
郡求之於史無所得今南陽平氏有徐史君碑稱興  
和三年拜撫軍將軍南雍川刺史在漢廣置立州鎮  
其陰又有漢廣太守郡丞郡功曹等數人興和靜帝  
年號此君疑亦當時人也

集古  
後錄

東魏徐穆之碑

武定元年立在南陽縣

諸道石  
刻錄

唐南陽令鄧慈豐山堰記

前南陽尉劉單撰并書永徽三年正月十五日立

復齊

碑錄

唐開新野縣

唐立五殺大夫碣

不著撰人名氏唐人鄭璉書據碑因過五殺大夫墓

作此銘以開元二十三年六月立

集古錄目

按寰宇記南陽縣西南七里有五殺大夫墓墓有碣

即此碣也南陽故申伯之國楚文王滅申以為縣秦昭襄王使白起伐楚取郢即其地為南陽郡改縣曰宛五殺大夫宛人仕虞為大夫晉獻公滅虞虜之以勝於秦後亡走宛楚人執之繆公贈以殺羊之皮五殺之國政故稱五殺碑云大夫姓百里名奚諸侯受封地方百里因氏焉莫知孰是

集古後錄

唐令長新誠

開元中縣令徐抗所刻太室山人劉飛書在穰縣

集古

目錄

唐釋縣令勅

唐南陽新野令李伯豫行書天寶六年十月建

復齋  
碑錄

唐孝女雙石樓記

唐南城令張璿之撰正書姓名殘缺天寶七年三月

金石  
錄

唐南陽縣廳西墉記

唐徐方回撰并分書大中十一年立

訪碑  
錄

欽定四庫全書

寶刻叢編

三

方回云寶應中為南陽令得崔子玉所作平子銘末二  
十一字闕於廳之西墉按今西鄂石本末句見在方  
回所得乃南陽半石之末也今又亡矣惜哉

集古錄

歐陽公云方回寶應中為南陽令得平子銘末二十  
一字闕於廳之西墉項余至南陽親摸此記記後別  
有小篆曰朝議即前行楚州寶應縣徐方回大中十  
年冬領此縣十一年立此記寶應昔肅宗以楚州獻  
寶玉因以元年為寶應元年更楚之安宜為寶應縣

自寶應紀元至大中十年相去實九十五年方回大  
中十年始領南陽縣事所謂寶應中為南陽令歐陽

公覽碑誤矣

集古  
後錄

### 隨州

春秋隨國戰國屬楚秦屬南陽郡二漢因之  
晉屬義陽郡惠帝置隨郡宋齊因之西魏置  
并州後改曰隨州隋開皇中郡廢大業初州  
廢置漢東郡唐武德二年曰隨州天寶三年  
曰漢東郡皇朝乾德五年陞崇義軍節度太  
平興國元年改崇信軍今縣三隨縣 唐  
城 棗陽

漢舜子卷義井殘碑

舜子卷義井碑凡二十三行行三十七字石理皴剝  
僅有五十餘字依約可辨其間有光和三字字知為  
漢碑也碑在隨之舜子卷元祐丁卯年郡守許覺之  
始徙於後圃識其陰云五大夫秦爵也秦距

闕

漢東故物

菩提達磨碑

圓覺大師塔碑

三碑諸道石刻錄

關

韓秀榮八分書

訪碑錄

唐靜塞軍使張公碑

無書寫人姓名及年月

訪碑錄

寶刻叢編卷三

欽定四庫全書

寶刻叢編卷四

宋 陳思 撰

京西北路

西京

河南府

後漢熹平石經

自書丹使工鐫刻今所存諸經字體各不同雖邕能

分善隸兼備衆體但文字之多恐非一人可辨史云  
邕與堂谿典楊賜馬日碑張馴韓說單颺等正定諸經  
今公羊論語之後惟堂谿日碑二人姓名尚存別有  
趙陔劉弘張文蘇陵傅禎左立孫表教人竊意其間  
必有同時揮毫者予詳玩遺字公羊詩書儀禮又在  
論語上識者當能別之

並隸  
釋

魏三體石經遺字

古文篆隸三體凡八百二十九字後漢熹平中校定

五經使蔡邕以三體書

唐竇將軍墓誌

不著書撰人名氏將軍河南人唐大穆皇后之族官  
至右屯衛將軍碑以神龍二年立今其文字缺滅將

軍之名字皆不可見矣

集古  
錄目

唐黃門監盧懷慎碑

唐禮部尚書蘇頲撰玄宗八分懷慎字懷慎范

陽人官至黃門監謚曰文成碑以開元八年立

集古

錄

唐歙州刺史郭茂貞碑

唐賀知章撰八八書姓名殘缺開元二十年十月

金石

錄

唐賜中岳隱士司徒巨源手詔

唐明皇詔并謝表開元二十二年立在龍門

碑訪

錄

唐龍門西龕石像碑

唐張九齡撰分書姓名缺開元中立金石錄

唐令長新誠

開元二十四年二月五日諸道石刻錄

唐玄宗御製初玄宗擇令長一百六十三人又自製新誠宰相裴耀卿等請令集賢院善書者書以賜之

其後諸縣往往刻石集古錄

唐鄂州刺史盧府君碑

唐李邕撰并書天寶元年二月金石錄

唐卹國公李君碑

季子適撰史惟則篆書天寶四年九月

金石錄

唐陳留尉劉飛造像記

唐史惟則八分書天寶九年十二月立按封演聞見記云玄宗嘗幸驪山登朝元閣命羣臣賦詩正字劉飛詩最清拔特蒙激賞右相李林甫怒飛不先呈已出為一尉而卒今此記有云頃校文金殿廣歌栢梁叨沐錦衣之賜遂有長沙之役如此則演所記為不

誣矣記在龍門山字畫甚工而世頗罕傳

金石錄

唐龍門觀音像記

唐陶翰撰徐浩正書天寶中立

金石錄

唐贈秘書監程文英碑

唐北海太守李邕撰黃門侍郎張廷珪八分文英字  
文繹廣平人仕至桂州都督府長史贈秘書監碑以

大歷七年五月立

集古錄目

唐程文英碑陰贈告并重立碑記

男程皓記程廩正書大歷七年五月十五日立在龍

門

復齋  
碑錄

唐右金吾衛將軍兼建碑

碑缺碑側有大歷八年遷墓

訪碑  
錄

唐辨正禪師塔銘

唐太僕少卿鄭權規撰汜水縣令徐峴書并篆額禪  
師名崇一姓任氏濟源人玄宗時詔舉天下高僧四  
十九人分主諸寺禪師居東都天官寺後移居善興

寺代宗親書院額曰法寶嚴持院德宗時賜諡辨正

碑以貞元十年立在龍門

集古錄目

徐峴書誠能行筆而少意思也往時石曼卿屢稱峴書曼卿多得顏柳筆具書與峴不類而遠過之不知何故喜峴書也余當曼卿在時稱猶未見峴書但聞

其所稱曼卿沒已久始得此書遂錄之爾

集古錄

唐宣武節度董晉碑

唐中書舍人權得與撰皇太子侍書殿中丞王丕書

晉字渾成河東虞鄉人官至宣武節度使碑以貞元

十五年立

集古錄目

唐靈珍禪師塔銘

唐徐峴撰并正書元和八年八月

金石錄

唐散騎常侍黎公碑

嗣子

名

書大和中立

訪碑錄

唐香山寺碑

唐白居易撰

詣道石刻錄

唐修香山寺詩三十韻

唐白居易撰賀拔暹書

訪碑錄

唐醉吟先生傳

唐白居易撰譚邠正書大中五年四月

金石錄

唐八節灘詩并龍門二十韻

唐白居易撰

訪碑錄

唐白居易碑

唐李商隱撰譚邠書大中五年四月

金石錄

唐醉吟先生白公西北巖石碣

樂天自著墓碣也白敏中書會昌六年十一月立

復齋

碑錄

唐潛溪記

唐杜宣猷撰正書無姓名咸通八年十月立潛溪在洛陽龍門山側地有溪谷之勝舊為宰相李藩別墅

宣猷購得之加葺治焉

金石錄

唐斛斯府君碑

唐蘇頲撰梁昇卿八分書

訪碑錄

唐庶志律師塔銘

詣道石刻錄

唐揚州都督薛公碑

韓秀榮八分書

訪碑錄

唐左丞暢悅碑

闕

洛陽縣

漢太尉劉寬故吏碑

漢隸不著書撰人名氏寬字文饒宏農華陰人靈帝時官太

尉封還鄉侯謚曰昭烈此碑故吏李謙等所立

集古錄目

寬有兩碑皆在洛陽上東門外官道傍此碑據藝文類聚乃桓麟撰後碑不知何人所為然字體則同也

金石錄

碑云君諱寬字文饒宏農華陰人也中平二年二月

丁卯薨夏四月庚戌葬故吏李謙等立碑

復齋碑錄

闕

逯鄉闕

碑篆

額劉公名寬其父崎為順帝司徒寬事靈帝兩為太尉通四載以中平二年卒故吏李謙等立此碑又有門生一碑皆在洛陽上東門外兩碑遣文頗相犯字畫又不相遠所叙歷官行事多與本傳合

釋隸

漢太尉劉文饒碑一故吏李謙等立一門生商苞等立一在今西都上東門外官道之上洛陽尉射圃中近世好事者亭以覆之目其亭為寶刻蓋以是碑為

蔡中郎書故名焉二碑陰各有題名唐湖城公劉爽  
修碑記亦存焉予官洛五年每過上東必徘徊碑下  
想文饒之高風玩中郎之妙楷與歐陽信本之觀索  
靖書碑坐卧不能去何以異云因令工推拓二碑及  
陰文裝為三帙而時觀之

東觀  
餘論

### 漢劉寬故吏題名

寬碑有二具故吏門生各立其一也此題名在故吏  
所立之碑陰寬以中平二年卒至唐咸亨元年具裔

孫湖城公爽以歲久昏仆於野為再立之并記其世

序

集古錄

寬兩碑皆有陰唐咸亨中碑仆於野其裔孫周王記

室參軍爽字元爽重為建立寬以中平二

闕

十七人三河九十一人與其後八郡

闕

者三

輔六十五人磨滅之字什五六郡

闕

餘人可辨

則什二三劉公兩碑俱有陰此則闕生之陰也其字

畫剛勁法度森嚴與石經公羊詩書相軋

隸續

漢太尉劉寬神道二

其一曰漢太尉劉公諱寬字文饒其一曰漢太尉車  
騎將軍特進昭烈侯劉公神道各有一螭蟠屈乎其  
上而下作獸面如彝鼎間饕餮之象當是時雙闕所  
刻字法與正碑相類圖畫則微拙不及王稚子沈新  
豐之精也劉公葬於洛非僻

唐福先寺塔題名

唐石洪撰王仲舒書元和四年

訪碑  
錄

韓退之與石洪等題名在洛陽福先寺乃同遊者所

書爾

金石錄

唐昇玄劉先生碑

唐刑部侍郎馮宿撰右司郎中柳公權書翰林侍詔

唐玄度篆額先生名從政河南緱氏人居東都玄真宮敬宗師事之加檢校光祿大夫及先生之號碑以

大和七年四月立二碑一在東都一在長安

集古錄目

唐經陰符經序

唐刑部尚書鄭澣撰序翰林學士柳公權書內供奉  
道士孫文呆刻以開成二年七月立在西京苑雍家

經已殘缺所存者數十字

集古  
錄目

唐世碑碣顏柳二家書最多而筆法往往不同分權  
書高重碑余特愛模者不失其真鋒鋷皆在至於陰  
符經序而蔡君謨以為柳書之最精者云善藏筆鋒  
與余之說正相反然君謨書擅當世其論必精故為  
誌之

余自皇祐中得公權所書陰符經序遂求其經云石  
已亡矣常意必有藏於人間者求之十餘年莫可得  
治平三年有錫工張景儒忽以此遺余家小吏遽錄  
之信乎余所謂物常聚於所好也

並集  
古錄

### 唐照公塔銘

唐太子少傅分司東都白居易撰劉禹錫為秘書監  
分司東都時書照公名神照姓張氏蜀州青城人居

東都奉國寺碑以開成三年立

集古  
錄目

唐玄度十體書

唐翰林待詔馮王友唐玄度書凡古文大篆八分小篆飛帛倒薤散隸懸針鳥書垂露十體并各叙其所起刻石有二一在故相宋公家一在太常少卿李丕

緒家同出一本而傳摹小異

集古錄目

唐福先寺題名

唐河陽三城節度使韋澳題大中十二年

集古錄目

楊凝式長壽華嚴院東壁詩

少師此詩本題於西都長壽寺華嚴院東壁僕近歲  
官洛因覽宋次道三川官下記知之亟往觀焉墨蹤  
石本皆不復存院僧云三十年前有士人寓是院數  
歲及徙居他郡壁與石亦弗之見豈非好事者負之  
而趨乎今忽得此殊可欣也

東觀  
餘論

### 楊凝式題名并詩

不著年月凝式時為太子賓客又其一稱歲在癸丑  
者周廣順二年也又有詩二首凝式時為太子少師

按凝式當晉天福初為太子賓客其分司為少師在漢乾祐中石在洛陽人家

集古錄曰

洛人好楊凝式少師書信可傳寶但自唐中世以來漢晉書法不傳如凝式輩所祖述者不遠會稽父子筆法似不如是洛人得楊真蹟夸詡以為希世珍所謂子誠齊人耳

東觀餘論

金剛經

其字體類徐浩書一云屈貴書

訪碑錄

如筠禪師碑

唐楊遠書  
訪碑錄

尊勝經幢

梵書  
訪碑錄

心經幢子

篆書  
訪碑錄

廣愛寺碑

訪碑錄

壽安縣

唐甘棠館記

唐壽安尉蕭昕撰大理評事史鎬八分書盧璟篆額  
甘棠館者前縣令李公字退思所立此碑大歷十一年  
縣令李總所建又有重刻碑記貞元八年縣令李

嗣刻並往還此館題名者十六人附於後

集古錄日

唐甘棠館題名

唐人題名始終貞元大中之間自司勳員外郎薛存

誠至東都留守韋夏卿凡數十人

集古錄日

自唐德宗貞元以來止於會昌文字多已磨滅惟高  
元裕韋夏卿所書尚可讀甚矣人之好名也其功德  
之盛固已書竹帛刻金石以垂不朽矣至於登高望  
遠行旅往來慨然寓興於一時亦以勒其姓名留於  
山石非徒徘徊俯仰以自悲其身世亦欲來者想見其  
風流夏卿所記留連感愴意不淺也故余於集古每  
得前世題名未嘗不錄者憫夫人之甚好名也

集古錄

唐東都留守李愷碑

唐中書舍人李紆撰洪州刺史沈傳師書商州防禦  
隨軍儲或篆額愷隴西成紀人官至禮部尚書東都  
留守祿山叛攻東都城陷死之追贈太尉謚曰忠懿

碑以大厯四年立

集古  
錄目

唐贈太尉李愬碑文宗時立

金石  
錄

唐崔能神道碑

唐兵部侍郎李宗閔撰能弟檢校吏部尚書判東都  
尚書省從書戶部尚書胡証篆額能字子才清河東

武城人官至嶺南節度觀察使贈禮部尚書碑以長

慶三年立

其占  
錄日

唐淮南節度崔從碑

唐翰林學士蔣仲撰權知太子少傅柳公權書從字  
子義清河東武城人官至淮南節度副大使贈司空

諡曰貞碑以大中八年立

其占  
錄日

福昌縣

唐穀州刺史裴君清德頌并陰

正書無書撰人姓名永徽五年三月立

金石錄

裴君名律師碑篆書題額云大唐穀州刺史裴公德

政之碑按隋書義寧二年以新安縣置新安郡唐武

德元年曰穀州貞觀元年徙穀州治澠池六年徙治

福昌顯慶二年州廢以福昌永寧長水屬洛州

復齊碑錄

周福昌令張公頌

前鳳閣舍人薛稷撰不著書人名氏考其字書疑亦

薛稷所書也張右漢相蒼之二十九世孫武后時自

福昌令徙為洛陽令而福昌人為之立此碑張君名

及立石年月皆剝缺不可辨

集古錄目

周福昌令張君清德頌大足元年九月立

金石錄

伊陽縣

唐監察御史李希倩碑

唐李邕撰梁昇卿八分書徐浩篆額天寶二年四月

金石錄

唐乘真禪師靈塔碑

唐長子主簿王雄風撰胡霈然書并篆額禪師姓麻  
氏陸渾人景龍二年為陸渾山圖以獻中宗自書寺  
名曰兜率以賜之及其卒衛尉卿崔從禮之妻李氏  
得具舍利起塔而藏之碑以天寶七年八月立

集古  
錄目

唐元魯山墓碣

唐監察御史李華撰太子太師顏真卿書

闕

院學

士李陽冰篆額魯山名德秀字紫芝河南人常為魯  
山令碑以建中四年秋立

集古  
錄目

唐平泉山居詩

唐李德裕撰并八分書開成五年

金石錄

唐李德裕撰平泉者德裕山居之所也其間多得四方奇草異木名花怪石而置之因總為之記其在平泉及歷守宜春金陵至於為相有平泉詩凡六十七首同以刻石皆隸書又有臨池榻記凡數十字篆書

皆不著名代

集古錄目

讀山居詩見文饒夢寐不忘於平泉而終不得少償

其志者人事固多如此也余聞釋子有云出家是大  
夫事蓋勇決者人之所難也而文饒詩亦云自是  
功高臨盡處禍來名滅不由人者誠哉是言也

集古錄

唐平泉草木記

唐李德裕撰并分書開成五年

金石錄

德裕處富貴招權利而好奇貪得之心不已至或疲  
弊精神於草木斯其所以敗也其遺戒有云壤一草  
一木者非吾子孫此又近乎愚矣

集古錄

唐檢校戶部尚書高重碑

姪元裕撰柳公權正書會昌四年十月

清河縣

周伊州刺史衛府尹碑

彭元覺撰趙楚英書天授二年立

訪碑錄

周蘭陵縣君蕭夫人碑

長安二年

訪碑錄

周杭州刺史李公碑

郜恭書

訪碑  
錄

唐襄城令贈魏州刺史李公碑

薛稷書

訪碑  
錄

唐散騎常侍贈侍中趙郡成公碑

唐薛稷書撰

訪碑  
錄

唐幽州都督孫公碑

唐徐彥伯撰開元二年

訪碑  
錄

唐左僕射太子少保徐國公劉公碑

撰寫人缺開元三年

訪碑錄

唐懷州刺史陶大舉碑

唐姚崇撰徐嶠之書開元八年

金石錄

唐易州遂城令康府君碑

唐沈淮南撰徐誥書開元九年十月

金石錄

唐工部侍郎趙國公碑

撰寫人缺開元十一年

訪碑錄

唐贈羽林大將軍泉君碑

據通志泉君碑有二皆在西京一云後魏大將軍贈并州大都督泉府君碑無撰書人名氏年月一云左右衛大將軍衛尉正卿卞國公贈羽林大將軍泉君碑與此官同

長子隱叙蘇晉銘彭杲書仲子靖題額開元十五年二月立泉君者高麗蓋蘇文之孫泉南生之子也高

宗時與南生同歸朝仕至衛尉卿

金石錄

唐岷州刺史王君碑

唐李邕撰梁昇卿分書元行冲題額開元十五年立

訪碑  
錄

唐桂州都督李公碑

唐李峴撰張乾護書并刻開元十八年

訪碑  
錄

唐陳州刺史陶公碑

唐姚奕撰序張昇銘徐浩書開元二十年

訪碑  
錄

唐工部侍郎李景伯碑

從子訥撰梁昇卿分書開元二十五年

訪碑  
錄

唐荆州都督府長史孫公碑

唐張嘉貞撰子庭飄書開元二十六年

訪碑錄

唐興州司馬王府君碑

唐郭子晉撰趙崇德行書天寶元年二月

金石錄

唐廬州司馬劉府君碑

唐梁獻撰天寶七年

訪碑錄

唐宋州虞城令李府君碑

唐廬州重撰胡霈然書并題額天寶九年

訪碑錄

唐京兆杜夫人碑

唐崔頤撰徐浩正書天寶十一年十月

金石錄

唐贈太僕卿韋公碑

天寶十三年立

訪碑錄

唐裴公碑

唐崔造撰韓秀弼書大歷十四年

訪碑錄

唐贈左僕射嗣曹王戢碑

唐趙贊撰行書無姓名貞元四年七月

金石錄

唐長安尉王之咸碑

唐于邵撰韓秀榮八分書貞元十年正月

金石錄

唐太子中允范陽盧府君碑

唐于邵撰鄭餘慶書

訪碑錄

唐清河崔公碑

書撰人缺貞元二十一年立

訪碑錄

唐歙州刺史盧瑗碑

裴度撰裴璘正書元和元年

金石錄

唐惠林寺題名

唐韓愈書元和四年閏三月

金石錄

唐惠林寺新修軒廊記

元和十一年

訪碑錄

唐著作郎權公碑

唐趙贊撰序鄭綱銘鄭餘慶分書元和十四年立

訪碑錄

錄

唐散騎常侍裴公碑

唐盧術文鄭還古正書開成五年四月

金石錄

唐舍人裴公改葬碑

唐馬曙書撰大中七年立

訪碑錄

唐王有方碑

唐李邕撰并書

訪碑錄

唐睦州刺史王君碑

唐史惟則分書

訪碑錄

唐中書侍郎孫公碑

撰寫人及年月并缺

訪碑錄

唐右衛大將軍泉府君碑

唐劉應道撰王知敬書年月缺

訪碑錄

唐太原尹唐公碑

唐嵩陽觀主盧曉八分書

訪碑錄

唐諫議大夫溫府君碑

唐牛僧孺撰裴濟書

訪碑錄

唐惠林寺碑

唐李景讓撰

訪碑錄

唐崔府君碑

唐崔融撰

訪碑錄

唐崔弘禮碑

唐白居易撰并書

訪碑錄

唐太子賓客孔府君碑

撰寫人缺歲次丙午立

訪碑錄

唐平陽敬府君碑

唐刑部尚書鄭綱碑

惠林寺佛殿記 永淳三年

三碑諸道石刻錄



寶刻叢編卷四